

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



প্রেস বিজ্ঞপ্তি

কিয়ারসার্জ থেকে ত্রাণ তৎপরতায় সহায়তা করছেন বাংলাদেশী কর্মকর্তারা

লে. নাথান ক্রিস্টেনসেন, সিটিএফ৭৬ পাবলিক অ্যাফেয়ার্স অফিসার

ইউএসএস কিয়ারসার্জ, বঙ্গোপসাগর, ৪ঠা ডিসেম্বর -- গত ২৪শে নভেম্বর থেকে বাংলাদেশ সামরিক বাহিনীর ৯জন কর্মকর্তা ইউএসএস কিয়ারসার্জ (এলএইচডি ৩)-এ অবস্থান করে উপকূলীয় এলাকায় মানবিক সহায়তা / দুর্যোগ ত্রাণ তৎপরতায় (এইচএ/ডিআর) সাহায্য করছেন।

কিয়ারসার্জ, ত্রাণ দলসমূহ এবং বাংলাদেশে বিতরণ কেন্দ্রগুলোর মধ্যে মধ্যস্থতাকারী হিসেবে বাংলাদেশী কর্মকর্তারা এই জাহাজে অবস্থান নেন।

জাহাজে অবস্থানরত ‘মেরিন মিডিয়াম হেলিকপ্টার স্কোয়াড্রন’ (এইচএমএম) ২৬১ এর সিএইচ-৪৬ ‘সি নাইট’ হেলিকপ্টার পাইলট মেরিন ক্যাপ্টেন ডেভিড পোপ বলেন, “গত এক সপ্তাহের বেশি সময় ধরে বাংলাদেশী লিয়াজোঁ কর্মকর্তারা ত্রাণ তৎপরতা পরিচালনা করতে গুরুত্বপূর্ণ ভূমিকা পালন করেছেন। ভূমিতে অবস্থানরত বাংলাদেশ সামরিক বাহিনীর সঙ্গে সমন্বয় পূর্বক ল্যান্ডিং এলাকাসমূহ নিশ্চিত করতে তারা অত্যন্ত সাহায্য করেছেন।”

কিয়ারসার্জ বর্তমানে বঙ্গোপসাগরে অবস্থান করে ত্রাণ কার্যক্রমের জন্য প্রয়োজনীয় জিনিসপত্রের একটি প্ল্যাটফর্ম হিসেবে কাজ করে যাচ্ছে। বাংলাদেশ সরকার কর্তৃক নির্ধারিত ঘূর্ণিঝড় সিডরে সবচেয়ে ক্ষতিগ্রস্ত এলাকায় পানি এবং দুর্যোগ ত্রাণসামগ্রী এখান থেকে পৌঁছে দেয়া হচ্ছে।

বাংলাদেশ নৌবাহিনীর কমান্ডার মোহাম্মদ ফজলে রাব্বি বলেন, “বাংলাদেশে যুক্তরাষ্ট্রের নেভি ও মেরিনদের উপস্থিতি আমাদের খুবই নিরাপদ বোধ করতে সাহায্য করেছে। ত্রাণ তৎপরতাকে কিয়ারসার্জ অনেক সহজ করে দিয়েছে, কারণ এই জাহাজ অনেক বেশি দ্রুততার সঙ্গে উপদ্রুত এলাকায় ত্রাণসামগ্রী পৌঁছে দিয়েছে।

এ পর্যন্ত কিয়ারসার্জ এবং ২২তম এমইইউ ১২ হাজার ৪শত ৩৪ গ্যালন পানি এবং ১লাখ ৬২হাজার ৫২ পাউন্ড খাদ্য, কম্বল, কাপড় ও অন্যান্য জরুরি ত্রাণসামগ্রী পৌঁছে দিয়েছে।

রাব্বি বলেন, “কিয়ারসার্জ-এ আমাদের অবস্থান বাংলাদেশের সঙ্গে যুক্তরাষ্ট্রের কূটনৈতিক সম্পর্ককে জোরদার করতে সহায়তা করেছে। বাংলাদেশ একটি ঘূর্ণিঝড়-প্রবণ দেশ। আমরা যুক্তরাষ্ট্রের পক্ষ থেকে ১৯৯১

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



প্রেস বিজ্ঞপ্তি

সালে অন্যতম বৃহৎ একটি মানবিক তৎপরতা (অপারেশন সি এঞ্জেল) দেখেছিলাম; এটি আরেকটি ঘূর্ণিঝড় এবং অনেকেই আবারো যুক্তরাষ্ট্রের সাহায্য পেয়ে লাভবান হচ্ছে।”

বাংলাদেশ সেনাবাহিনীর কর্মকর্তাদের মধ্যে যারা কিয়ারসার্জ-এ অবস্থান করেছেন তাদের মধ্যে ছিলেন মেজর আসিফ ইকবাল, মেজর রেজওয়ান, মেজর খন্দকার লোকমান হাকিম, মেজর মোহাম্মদ আব্দুল ওয়াজেদ, মেজর মোহাম্মদ ফয়সাল হাসান খান এবং ক্যাপ্টেন শরীফ আহাম্মদ রায়হানুল করিম। এছাড়া নৌবাহিনীর কমান্ডার মোহাম্মদ ফজলে রাবিব, বিমান বাহিনীর স্কোয়াড্রন লিডার সালাউদ্দিন মো: আলিম আল রাবিব এবং কোস্টগার্ড লে. কমান্ডার এম মাসুদ আলম-ও জাহাজে দায়িত্ব পালন করছেন।

গত ১৫ই নভেম্বর দেশের দক্ষিণ উপকূলে ট্রপিক্যাল ঘূর্ণিঝড় সিডর আঘাত হানার পর বাংলাদেশ সরকার কর্তৃক সহায়তার অনুরোধে সাড়া দিয়ে কিয়ারসার্জ এবং ২২তম মেরিন এক্সপিডিশনারি ইউনিট ‘মানবিক সাহায্য’ / ‘দুর্যোগ ত্রাণ’ তৎপরতা চালিয়ে যাচ্ছে। এই ঝড়ে ওহাজারের বেশি মানুষ মারা যায় এবং কয়েক লাখ গৃহহীন হয়। যুক্তরাষ্ট্র পররাষ্ট্র দপ্তর এবং যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) কর্তৃক সমন্বিত প্রতিরক্ষা বিভাগের এই প্রচেষ্টা যুক্তরাষ্ট্রের বৃহত্তর সাড়ার একটি অংশ।

বাংলাদেশের মানবিক ত্রাণ তৎপরতায় সহায়তা করতে থ্যাংকস্গিভিং ডে অর্থাৎ গত ২২শে নভেম্বরে কিয়ারসার্জ তার দায়িত্ব পালন করতে রিপোর্ট করে এবং তার অব্যবহিত পর থেকেই উপকূলে ত্রাণসামগ্রী পৌঁছানো শুরু করে।

কিয়ারসার্জ হচ্ছে কিয়ারসার্জ স্ট্রাইক গ্রুপের পরিচয়বাহী একটি জাহাজ।

=====